

共訂十本

七

仲景全書

金匱要畧方論卷中

仲景全書

漢長沙太守張仲景著

晉太醫令王叔和撰次

宋祠部郎中林億校正

明虞山太極開美校補

五臟風寒積聚病脈證并治第十

論二首

脈證十七條

方二首

肺中風者。口燥而喘。身運而重。冒而腫脹。○肺中寒。吐濁涕。○肺死藏。浮之虛。按之弱。如蔥葉。下無根者死。

肝中風者。頭目暈。兩脇痛。行常偃。令人嗜甘。○肝中寒者。兩臂不舉。舌本燥。喜太息。胸中痛。不得轉側。食則吐。而汗出也。

脈經千金云時盜汗。效食已吐其法。○肝死藏。浮之弱。按之如索不來。

或曲如蛇行者死。○肝着其人常欲蹈其胸上。先未苦時

但欲飲熱。旋復花湯。主之。臣億等校諸本。旋復花湯方皆同。

心中風者。翕翕發熱。不能起。心中飢食。即嘔吐。○心中寒

者。其人苦病。心如噉蒜狀。劇者。心痛徹背。背痛徹心。譬如

蠱注。其脈浮者。自吐乃愈。○心傷者。其人勞倦。即頭面赤

而下。重。心中痛。而自煩。發熱。當臍跳。其脈弦。此為心藏傷

所致也。○心死。藏浮之實。如麻豆。按之益躁。疾者死。○邪

哭。使魂魄不安者。血氣少也。血氣少者。屬於心。心氣虛者。

其人則畏。合目欲眠。夢遠行。而精神離散。魂魄妄行。陰氣

衰者。為癩。陽氣衰者。為狂。

脾中風者。翕翕發熱。形如醉人。腹中煩重。皮目瞤。瞤而短

氣。○脾死。藏浮之大堅。按之如覆盂。潔潔狀如搖者死。臣億

等詳五藏各有中風中寒今脾只載中風腎中風中寒俱不載者以古文簡亂極多去古既遠無文可以補綴也跌陽脈浮而濇浮則胃氣強濇則小便數浮濇相搏大便則堅其脾為約麻子仁丸主之

麻子仁丸方

麻子仁 二升

芍藥 半斤

枳實 一斤

大黃 一斤

厚朴 一尺

杏仁 一升

右六味末之煉蜜和丸梧子大飲服十丸日三以知為

度

腎著之病其人身體重腰中冷如坐水中形如水狀反不渴小便自利飲食如故病屬下焦身勞汗出衣一作裏冷濕久久得之腰以下冷痛腰重如帶五千錢甘姜苓朮湯

主之。

甘草乾姜茯苓白朮湯方

甘草二兩 白朮二兩

乾姜四兩

茯苓四兩

右四味以水五升煮取三升分溫三服腰中即溫

腎死藏浮之堅按之亂如轉丸益下如尺中者死

問曰三焦竭部上焦竭善噫何謂也○師曰上焦受中焦

氣未和不能消穀故能噫耳下焦竭即遺溺失便其氣不

和不能自禁制不須治久則愈○師曰熱在上焦者因欬

爲肺痿熱在中焦者則爲堅熱在下焦者則尿血亦令淋

秘不通大腸有寒者多鶩溏有熱者便腸垢小腸有寒者

其人下重。便血有熱者。必痔。

問曰。病有積。有聚。有滯。氣何謂也。○師曰。積者。藏病也。終不移。聚者。府病也。發作有時。展轉痛移。爲可治。滯氣者。脇下痛。按之則愈。復發爲滯氣。諸積大法。脈來細而附骨者。乃積也。寸口積在胸中。微出寸口。積在喉中。關上積在臍傍。上關上。積在心下。微下關。積在少腹。尺中積在氣衝。脈出左。積在左脈。出右。積在右脈。兩出。積在中央。各以其部處之。

痰飲欬嗽病脈證并治第十二

論一首

脈證二十一條

方十九首

問曰。夫飲有四。何謂也。○師曰。有痰飲。有懸飲。有溢飲。有

支飲。○問曰。四飲何以爲異。○師曰。其人素盛。今瘦。水走腸間。漑漑有聲。謂之痰飲。飲後水流在脇下。欬唾引痛。謂之懸飲。飲水流行。歸於四肢。當汗出而不汗出。身體疼重。謂之溢飲。欬逆倚息。短氣不得卧。其形如腫。謂之支飲。○水在心。心下堅築。短氣惡水。不欲飲。○水在肺。吐涎沫。欲飲水。○水在脾。少氣身重。○水在肝。脇下支滿。噎而痛。○水在腎。心下悸。○夫心下有留飲。其人背寒。冷如手大。○留飲者。脇下痛。引缺盆。欬嗽則輒已。一作轉甚○胸中有留飲。其人短氣而渴。四肢歷節痛。脈沉者。有留飲。○膈上病痰滿。喘欬吐。發則寒熱。背痛。腰疼。目泣。自出。其人振振身濶。劇必有伏飲。○夫病人飲水多。必暴喘滿。凡食少飲多。水

停心下。甚者則悸。微者短氣。脈雙弦者寒也。皆大下後善。虛脈偏弦者飲也。○肺飲不弦。但苦喘短氣。○支飲亦喘而不能卧。加短氣。其脈平也。○病痰飲者。當以溫藥和之。心下有痰飲。胸脇支滿。目眩。苓桂朮甘湯主之。

苓桂朮甘湯方

茯苓

四兩

桂枝

三兩

白朮

三兩

甘草

二兩

右四味。以水六升。煮取三升。分溫三服。小便則利。

夫短氣有微飲。當從小便去之。苓桂朮甘湯主之。方見腎

氣丸亦主之。方見脚氣中

病者脈伏其人欲白。利反快。雖利心下續堅滿。此為留

飲欲去故也。甘遂半夏湯主之。

甘遂半夏湯方

甘遂

大者三枚

半夏

十二枚以水一升煮取半升去滓

芍藥

五枚

甘草

如指大一枚炙一本作無

右四味以水二升煮取半升去滓以蜜半升和藥汁煎取八合頓服之。

脈浮而細滑傷飲。○脈弦數有寒飲。冬夏難治。○脈沉而弦者懸飲內痛。○病懸飲者十棗湯主之。

十棗湯方

芫花

熬

甘遂

大戟

各等分

右三味搗篩以水一升五合先煮肥大棗十枚取九合。

去滓內藥末、強人服一錢七分、羸人服半錢、平日溫服之、不下者、明日更加半錢、得快下後、糜粥自養。

病溢飲者、當發其汗、大青龍湯主之。○小青龍湯亦主之。

大青龍湯方

麻黃 六兩 去節

桂枝 三兩 去皮

甘草 二兩 炙

杏仁 四十箇 去皮尖

生姜 三兩 切

大棗 十二枚

石膏 如雞子 大碎

右七味、以水九升、先煮麻黃、減二升、去上沫、內諸藥、煮取三升、去滓、溫服一升、取微似汗、汗多者、溫粉粉之。

小青龍湯方

麻黃 三兩 去節

芍藥 三兩

五味子 半斤

乾姜 三兩

甘草 三兩

細辛 三兩

桂枝 二兩
去皮

半夏 半升
洗

右八味以水一斗先煮麻黃減二升去上沫內諸藥煮取三升去滓溫服一升

膈間支飲其人喘滿心下痞堅面色黧黑其脈沉緊得之數十日醫吐下之不愈木防己湯主之虛者即愈實者三日復發復與不愈者宜朮防己湯去石膏加茯苓芒硝湯主之

朮防己湯方

朮防己 三兩

石膏 十二枚
雞子大

桂枝 三兩

人參 四兩

右四味以水六升煮取二升分温再服

朮防已加茯苓芒硝湯方

朮防已

二兩

桂枝

二兩

人參

四兩

芒硝

三合

茯苓

四兩

右五味以水六升煮取二升去滓內芒硝再微煎分温再服微利則愈

心下有支飲其人苦冒眩澤瀉湯主之

澤瀉湯方

澤瀉

五兩

白朮

二兩

右二味以水二升煮取一升分温再服

支飲胸滿者厚朴大黃湯主之

厚朴大黃湯方

厚朴 一尺

大黃 六兩

枳實 四枚

右三味以水五升煮取二升分温再服

支飲不得息葶藶大棗瀉肺湯主之方見肺癰中

嘔家本渴渴者為欲解今反不渴心下有支飲故也小半

夏湯主之千金云小半夏加茯苓湯

小半夏湯方

半夏 一兩

生姜 半斤

右二味以水七升煮取一升半分温再服

腹滿口舌乾燥此腸間有水氣已椒歷黃丸主之

已椒歷黃丸方

防己

椒目

葶藶熬

大黃各一兩

右四味末之蜜丸如梧子大先食飲服一九日三服稍增口中有津液渴者加芒硝半兩

卒嘔吐心下痞膈間有水眩悸者半夏加茯苓湯主之

小半夏加茯苓湯方

半夏一升

生姜半斤

茯苓三兩一法四兩

右三味以水七升煮取一升五合分溫再服

假令瘦人臍下有悸吐涎沫而癩眩此水也五苓散主之

五苓散方

澤瀉一兩一分

猪苓三分去皮

茯苓三分

白朮三分

桂二分去皮

右五味爲末白飲服方寸匕日三服多飲煖水汗出愈
附方

外臺茯苓飲治心胃中有停痰宿水自吐出水後心胸間
虛氣滿不能食消痰氣令能食

茯苓 三兩

人參 三兩

白朮 三兩

枳實 二兩

橘皮 二兩

生姜 四兩

右六味水六升煮取一升八合分温三服如人行八九
里進之

欬家其脈弦爲有水十棗湯主之

上方見

夫有支飲家欬煩胸中痛者不卒死至一百日或歲宜十

棗湯

上方見

久欬數歲。其脈弱者可治。實大數者死。其脈虛者必苦冒。其人本有支飲在胸中故也。治屬飲家。

欬逆倚息不得卧。小青龍湯主之。

方見上文。肺癰中。

青龍湯下已多。唾口燥。寸脈沉。尺脈微。手足厥逆。氣從小腹上衝胸咽。手足痺。其面翕熱如醉狀。因復下流陰股。小便難。時復冒者。與茯苓桂枝五味甘草湯治其氣衝。

桂苓五味甘草湯方

茯苓

四兩

桂枝

四兩 去皮

甘草

三兩

五味子

半升

右四味以水八升。煮取三升。去滓。分溫三服。

衝氣即低而反更欬。胸滿者。用桂苓五味甘草湯。去桂加

乾姜細辛以治其欬滿。

苓甘五味姜辛湯方

茯苓 四兩
甘草 三兩
乾姜 三兩

細辛 三兩
五味 半升

右五味以水八升煮取三升去滓溫服半升日三服

欬滿即止而更復渴衝氣復發者以細辛乾姜為熱藥也服之當遂渴而渴反止者為支飲也支飲者法當冒冒者心嘔嘔者復內半夏以去其水

茯苓五味甘草去桂加姜辛夏湯方

茯苓 四兩
甘草 二兩
細辛 二兩

乾姜 二兩
五味子 各半
半夏 各半

右六味以水八升煮取三升去滓温服半升日三服水去嘔止其人形腫者加杏仁主之其證應內麻黃以其人遂痺故不內之若逆而內之者必厥所以然者以其人血虛麻黃發其陽故也

茯苓甘草五味加姜辛半夏杏仁湯方

茯苓

四兩

甘草

三兩

五味

半升

乾姜

三兩

細辛

三兩

半夏

半升

杏仁

半升
去尖

右七味以水一斗煮取三升去滓温服半升日三服

若面熱如醉此爲胃熱上衝熏其面加大黃以利之

苓甘五味加姜辛夏仁黃湯方

茯苓 四兩
甘草 三兩
五味 半升

乾姜 三兩
細辛 三兩
半夏 半升

杏仁 半升
大黃 三兩

右八味以水一斗煮取三升去滓温服半升日三服
先渴後嘔為水停心下此屬飲家小半夏茯苓湯主之
見方上

消渴小便利淋病脈證并治第十三

脈證九條 方六首

厥陰之為病消渴氣上衝心中疼熱飢而不欲食食即吐下之不肯止○寸口脈浮而遲浮即為虛遲即為勞虛則衛氣不足勞則榮氣竭跌陽脈浮而數浮即為氣數即

爲消穀而大堅。一作聚氣盛則溲數。溲數卽堅。堅數相搏卽

爲消渴。

男子消渴。小便反多。以飲一斗小便一斗。腎氣丸主之。見方

脚氣中

脈浮小便不利。微熱消渴者。宜利小便發汗。五苓散主之。

渴欲飲水。水入則吐者。名曰水逆。五苓散主之。方見上

渴欲飲水不止者。文蛤散主之。

文蛤散方

文蛤 五兩

右一味。杵爲散。以沸湯五合和服。方寸匕。

淋之爲病。小便如粟狀。小腹弦急。痛引臍中。○跌陽脈數。

胃中有熱。即消穀引食。大便必堅。小便即數。○淋家不可發汗。發汗則必便血。

小便不利者。有水氣。其人若渴。用括萋瞿麥丸主之。

括萋根 二兩

茯苓 三兩

薯蕷 三兩

附子 一枚

瞿麥 一兩

右五味末之。煉蜜丸。梧子大。飲服三丸。日三服。不知增。至七八丸。以小便利。腹中溫為知。

小便不利。蒲灰散主之。滑石白魚散。茯苓戎鹽湯。並主之。

蒲灰散方

蒲灰 七分

滑石 三錢

右二味杵爲散飲服方寸七日三服

滑石白魚散方

滑石 二分

亂髮 二分
燒

白魚 二分

右三味杵爲散飲服寸方七日三服

茯苓戎鹽湯方

茯苓 半斤

白朮 二兩

戎鹽 彈丸大
一枚

右三味

渴欲飲水。口乾舌燥者。白虎加人參湯主之。方見中
脈浮發熱。渴欲飲水。小便不利者。猪苓湯主之。

猪苓湯方

猪苓 去皮

茯苓

阿膠

滑石

澤瀉各兩

右五味以水四升先煮四味取二升去滓內膠烱消溫服七合日三服

水氣病脈證并治第十四

論七首

脈證五條

方八首

師曰病有風水有皮水有正水有石水有黃汗風水其脈自浮外證骨節疼痛惡風皮水其脈亦浮外證肘腫按之沒指不惡風其腹如鼓不渴當發其汗正水其脈沉遲外證自喘石水其脈自沉外證腹滿不喘黃汗其脈沉遲身發熱胸滿四肢頭面腫久不愈必致癰膿○脈浮而洪浮則為風洪則為氣風氣相搏風強則為隱疹身體為癢癢

爲泄風。久爲疝癩。氣強則爲水。難以俛仰。風氣相擊。身體
洪腫。汗出乃愈。惡風則虛。此爲風水。不惡風者。小便通利。
上焦有寒。其口多涎。此爲黃汗。○寸口脈沉滑者。中有水。
氣。面目腫大。有熱。名曰風水。視人之目。裏上微擁。如蚕新
卧起狀。其頸脈動。時時欬。按其手足上陷不起者。風水。
○太陽病。脈浮而緊。法當骨節疼痛。反不疼。身體反重而
酸。其人不渴。汗出卽愈。此爲風水。惡寒者。此爲極虛。發汗
得之。渴而不惡寒者。此爲皮水。身腫而冷。狀如周痺。胸中
窒不能食。反聚痛。暮躁不得眠。此爲黃汗。痛在骨節。欬而
喘不渴者。此爲脾脹。其狀如腫。發汗卽愈。然諸病此者。渴
而下利。小便數者。皆不可發汗。○裏水者。一身面目黃腫。

其脈沉。小便不利。故令病水。假如小便自利。此亡津液。故

令渴也。越婢加朮湯主之。方見下。○跌陽脈當伏。今反緊。本

自有寒疝瘕。腹中痛。醫反下之。下之即胸滿短氣。○跌陽

脈當伏。今反數。本自有熱消穀。小便數。今反不利。此欲作

水。○寸口脈浮而遲。浮脈則熱。遲脈則潛。熱潛相搏。名曰

沉。跌陽脈浮而數。浮脈即熱。數脈即止。熱止相搏。名曰伏。

沉伏相搏。名曰水。沉則絡脈虛。伏則小便難。虛難相搏。水

走皮膚。即為水矣。○寸口脈弦而緊。弦則衛氣不行。即惡

寒。水不沾流。走於腸間。○少陰脈緊而沉。緊則為痛。沉則

為水。小便即難。脈得諸沉。當責有水。身體腫重。水病脈出

者死。○夫未病人。目下有卧蚕。面目鮮澤。脈伏。其人消渴。

病水腹大小便不利。其脈沉絕者。有水可下之。
問曰。病下利後。渴飲水。小便不利。腹滿因腫者。何也。答曰。
此法當病水。若小便自利。及汗出者。自當愈。○心水者。其
身重而少氣。不得臥。煩而躁。其人陰腫。○肝水者。其腹大。
不能自轉側。脇下腹痛。時時津液微主。小便續通。○肺水
者。其身腫。小便難。時時鴨溇。○脾水者。其腹大。四肢苦重。
津液不生。但苦少氣。小便難。○腎水者。其腹大。臍腫腰痛。
不得溺。陰下濕。如牛鼻上汗。其足逆冷。面反瘦。○師曰。諸
有水者。腰以下腫。當利小便。腰以上腫。當發汗。乃愈。○師
曰。下口脈沉而遲。沉則爲水。遲則爲寒。寒水相搏。跌陽脈
伏。水穀不化。脾氣衰。則驚漉。胃氣衰。則身腫。少陽脈卑。少

陰脈細。男子則小便不利。婦人則經水不通。經爲血。血不利則爲水。名曰血分。

問曰。病者苦水。面目身體四肢皆腫。小便不利。脈乏。不言水。反言胸中痛。氣上衝咽。狀如奔肉。當微欬喘。審如師言。其脈何類。○師曰。寸口脈沉而緊。沉爲水。緊爲寒。沉緊相搏。結在關元。始時當微。年盛不覺。陽衰之後。榮衛相干。陽損陰盛。結寒微動。腎氣上衝。喉咽塞噎。脇下急痛。醫以爲畱飲。而大下之。氣擊不去。其病不除。後重吐之。胃家虛煩。咽燥欲飲水。小便不利。水穀不化。面目手足浮腫。又與葶藶丸下水。當時如小差。食飲過度。腫復如前。胸脇苦痛。象若奔豚。其水揚溢。則浮咳喘逆。當先攻擊衝氣。令止。乃治。

欬欬止其喘自差先治新病病當在後

風水脈浮身重汗出惡風者防己黃耆湯主之腹痛加芍藥

防己黃耆湯方

防己 一兩

黃耆 一兩

白朮 三分

甘草 半兩

右剉每服五錢七生姜四片棗一枚水盞半前取八分

去滓溫服良久再服

風水惡風一身悉腫脈浮不渴續巨汗出無大熱越婢湯

主之

越婢湯方

麻黃 六兩

石膏 半斤

生姜 三兩

大棗 十五枚

甘草 二兩

右五味以水六升先煮麻黃去上沫內諸藥煮取三升分溫三服○惡風者加附子一枚炮○風水加朮四兩

古今錄驗

皮水為病四肢腫水氣在皮膚中四肢聶聶動者防己茯苓湯主之

防己茯苓湯方

防己 三兩

黃耆 三兩

桂枝 三兩

茯苓 六兩

甘草 二兩

右五味以水六升煮取三升分溫三服

裏水越婢加朮湯主之甘草麻黃湯亦主之

越婢加朮湯方見上於內加白朮四兩方見脚中

甘草麻黃湯方

甘草 二兩 麻黃 四兩

右二味以水五升先煮麻黃去上沫內甘草煮取三升

溫服一升重覆汗出不汗再服慎風寒

水之為病其脈沉小屬少陰浮者為風無水虛脹者為氣

水發其汗即已脈沉者宜麻黃附子湯浮者宜杏子湯

麻黃附子湯方

麻黃 三兩 甘草 二兩 附子 一枚炮

右三味以水七升先煮麻黃去上沫內諸藥煮取二升

半温服八分日三服

杏子湯方

未見恐是麻黃杏仁甘草石膏湯

厥而皮水者蒲灰散主之

方見消渴中

問曰黃汗之為病身體腫

一作重

發熱汗出而渴狀如風水

汗沾衣色正黃如藥汁脈自沉何從得之○師曰以汗出

入水中浴水從汗孔入得之宜耆芍桂酒湯主之

黃耆芍桂苦酒湯方

黃耆 五兩

芍藥 三兩

桂枝 三兩

右三味以苦酒一升水七升相和煮取三升温服一升

當心煩服至六七日乃解苦心煩不止者以苦酒阻故

也一方用美酒醃代苦酒

黃汗之病。兩脛自冷。假令發熱。此屬歷節。食已汗出。又身常暮盜汗出者。此勞氣也。若汗出已。反發熱者。久久其身必甲錯。發熱不止者。必生惡瘡。若身重汗出已。輒輕者。久久必身暍。暍即胸中痛。又從腰以上必汗出。下無汗。腰髓弛痛。如有物在皮中狀。劇者不能食。身疼重煩燥。小便不利。此為黃汗。桂枝加黃耆湯主之。

桂枝加黃耆湯方

桂枝 三兩
芍藥 三兩
甘草 二兩

生姜 三兩
大棗 十二枚
黃耆 二兩

右六味以水八升。煮取三升。溫服一升。須臾飲熱稀粥一升餘。以助藥力。溫服取微汗。若不汗。更服。

師曰寸口脈遲而濇遲則為寒濇為血不足跌陽脈微而遲微則為氣遲則為寒寒氣不足則手足逆冷手足逆冷則榮衛不利榮衛不利則腹滿脇鳴相逐氣轉膀胱榮衛俱勞陽氣不通即身冷陰氣不通即骨疼陽前通則惡寒陰前通則痺不仁陰陽相得其氣乃行六氣一轉其氣乃散實則失氣虛則遺尿名曰氣分

黃辛附子湯主之
桂姜草棗黃辛附子湯方

桂枝 三兩

生姜 三兩

甘草 二兩

大棗 十二

麻黃 二兩

細辛 二兩

附子一枚

右七味以水七升，煮麻黃去上沫，內諸藥，煮取二升，分溫三服，當汗出，如蟲行皮中，即愈。

心下堅大如盤，邊如旋盤，水飲所作，枳朮湯主之。

枳朮湯方

枳實七枚 白朮二兩

右二味以水五升，煮取三升，分溫三服，腹中臈即當散也。

附方

外臺防己黃耆湯。治風水，脈浮為在表，其人或頭汗出，表無他病，病者但下重，從腰以上為和，腰以下當腫及陰，難

以屈伸 方見風濕中

黃疸病脈證并治第十五

論二首

脈證十四條

方七首

寸口脈浮而緩。浮則為風。緩則為痺。痺非中風。四肢苦煩。脾色必黃。瘀熱以行。○跌陽脈緊而數。數則為熱。熱則消穀。緊則為寒。食即為滿。尺脈浮為傷腎。跌陽脈緊為傷脾。風寒相搏。食穀即眩。穀氣不消。胃中苦濁。濁氣下流。小便不通。陰被其寒。熱流膀胱。身體盡黃。名曰穀疸。額上黑。微汗出。手足中熱。薄暮即發。膀胱急。小便自利。名曰女勞疸。腹如水狀不治。心中懊懔而熱。不能食。時欲吐。名曰酒疸。○陽明病。脈遲者。食難用飽。飽則發煩。頭眩。小便必難。此

欲作穀疸。雖下之。腹滿如故。所以然者。脈遲故也。○夫病酒黃疸。必小便不利。其候心中熱。足下熱。是其證也。○酒黃疸者。或無熱。靖言小腹滿。欲吐鼻燥。其脈浮者。先吐之。沉弦者。先下之。○酒疸。心中熱。欲嘔者。吐之愈。○酒疸下之。久久爲黑疸。目青面黑。心中如噉蒜齏狀。大便正黑。皮膚爪之不仁。其脈浮弱。雖黑微黃。故知之。○師曰。病黃疸。發熱煩喘。胸滿口燥者。以病發時。火劫其汗。兩熱所得。然黃家所得。從濕得之。一身盡發熱而黃。肚熱。熱在裏。當下之。○脈沉。渴欲飲水。小便不利者。皆發黃。○腹滿舌痿黃。燥不得睡。屬黃家。舌痿疑作身痿○黃疸之病。當以十八日爲期。治之十日以上。瘥反極爲難治。○疸而渴者。其疸難治。疸

而不渴者其疸可治發於陰部其人必嘔陽部其人振寒而發熱也。

穀疸之爲病寒熱不食食卽頭眩心胸不安久久發黃爲穀疸茵陳湯主之。

茵陳湯方

茵陳蒿

六兩

梔子

十四枚

大黃

二兩

右三味以水一斗先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便去也。

黃家日晡所發熱而反惡寒此爲女勞得之膀胱急少腹滿身盡黃額上黑足下熱因作黑疸其腹脹如水狀大便

必黑時溲。此女勞之病。非水也。腹滿者難治。用硝礬散主之。

硝石礬石散方

硝石

礬石

燒等分

右二味爲散。以大麥粥汁和服。方寸匕。日三服。病隨大便去。小便正黃。大便正黑。是候也。

酒黃疸。心中懊懣。或熱痛。梔子大黃湯主之。

梔子大黃湯方

梔子

十四枚

大黃

二兩

枳實

五枚

豉

一升

右四味以水六升。煮取二升。分溫三服。

諸病黃家。但利其小便。假令脈浮。當以汗解之。宜桂枝加

黃耆湯主之。方見水病中諸黃猪膏髮煎主之。

猪膏髮煎方

猪膏 半斤

亂髮 如雞子大三枚

右二味合膏中煎之。髮消藥成。分再服。病從小便出。

黃疸病茵陳五苓散主之。一本云茵陳湯及五苓散並主之。

茵陳五苓散方

茵陳蒿木 十八

五苓散 五分方見痰飲中

右二物。和先食。飲方寸匕。日三服。

黃疸腹滿。小便不利而赤。自汗出。此為表和裏實。當下之。

宜大黃硝石湯主之。

大黃硝石湯

大黃

四兩

黃蘗

四兩

硝石

四兩

梔子

十五枚

右四味以水六升煮取三升去滓內硝更煮取一升頓服

黃疸病小便色不變欲自利腹滿而喘不可除熱熱除必

噦噦者小半夏湯主之

方見消渴中

諸黃腹痛而嘔者宜柴胡湯

必小柴胡湯方見嘔吐中

男子黃小便自利當與虛勞小建中湯

方見虛勞中

附方

苳蒂湯治諸黃

方見嘔病中

千金麻黃醇酒湯治黃疸

麻黃 三兩

右一味以美清酒五升、煮取二升半、頓服盡、冬月用酒、春月用水煮之、

驚悸吐衄下血胸滿瘀血病脈證治第十六

脈證十二條 方五首

寸口脈動而弱。動即為驚。弱則為悸。○師曰。夫脈浮。目睛
暈黃。衄未止。暈黃去。目睛慧了。知衄今止。○又曰。從春至
夏。衄者。太陽。從秋至冬。衄者。陽明。衄家不可汗。汗出必額
上陷。脈緊急。直視不能。胸不得眠。○病人面無色。無寒熱。
脈沉弦者。衄。浮弱者。下血。煩欬者。必吐血。○夫
吐血。欬逆。上氣。其脈數。而有熱。不得卧者。死。○夫酒客。欬

者必致吐血。此因極飲過度所致也。○寸口脈弦而大。弦則爲減。大則爲芤。減則爲寒。芤則爲虛。寒虛相擊。此名曰革。婦人則半產。溺下。男子則亡血。○亡血不可發其表。汗出則寒慄而振。○病人胸滿。唇痿。舌青。口燥。但欲嗽水。不欲嚥。無寒熱。脈微大來遲。腹不滿。其人言我滿。爲有瘀血。○病者如熱狀。煩滿。口乾燥而渴。其脈反無熱。此爲陰狀。是瘀血也。當下之。

火邪者。桂枝去芍藥。加蜀漆牡蠣龍骨。救逆湯主之。
桂枝救逆湯方

桂枝 三兩
去皮

甘草 二兩
炙

生姜 三兩

牡蠣 五兩
熬

龍骨 四兩

大棗 十二枚

蜀漆三兩洗去腥

右為末以水一斗二升先煮蜀漆減二升內諸藥煮取

三升去滓溫服一升

心下悸者半夏麻黃丸主之

半夏麻黃丸方

半夏 麻黃 等分

右二味末之煉蜜和丸小豆大飲服三丸日三服

吐血不止者栝葉湯主之

栝葉湯方

栝葉 乾姜各三兩 芫三把

右三味以水五斗取馬通汁一升合煮取一升分溫再

服

下血先便後血。此遠血也。黃土湯主之。

黃土湯方 亦主吐血 衄血

甘草 乾地黃 白朮 附子 炮

阿膠 黃芩 各三兩 龍中黃土 半斤

右七味以水八升煮取三升分温二服。

下血先血後便。此近血也。赤小豆當歸散主之。 方見狐惑中

心氣不足吐血衄血瀉心湯主之。

瀉心湯方 亦治霍亂

大黃 二兩 黃連 一兩 黃芩 一兩

右三味以水三升頓服之。

何景全書 卷中
嘔吐噦下利病脈證治第十七

論一首 脈證二十七條 方二十三首

夫嘔家有癰膿不可治。嘔膿盡自愈。○先嘔却渴者。此爲欲解。先渴却嘔者。爲水停心下。此屬飲家。嘔家本渴。今反不渴者。以心下有支飲故也。此屬支飲。○問曰。病人脈數。數爲熱。當消穀引食。而反吐者。何也。○師曰。以發其汗。合陽爲膈。氣虛。脈乃數。數微客熱。不能消穀。胃中虛冷。故也。脈弦者。虛也。胃氣無餘。朝食暮吐。變爲胃反。寒在於上。醫反下之。今脈反弦。故名曰虛。○寸口脈微而數微。則無氣。無氣則榮虛。榮虛則血不足。血不足則膈中冷。○趺陽脈浮而濇。浮則爲虛。濇則傷脾。脾傷則不磨。朝食暮吐。暮食

朝吐宿穀不化。名曰胃反。脈緊而濇。其病難治。○病人欲吐者不可下之。

噦而腹滿。視其前後。知何部不利。利之則愈。

嘔而胸滿者。茱萸湯主之。

茱萸湯方

吳茱萸 一升

人參 三兩

生姜 六兩

大棗 十二枚

右四味以水五升。煮取三升。溫服七合。日三服。

乾嘔吐涎沫。頭痛者。茱萸湯主之。上方見

嘔而腸鳴。心下痞者。半夏瀉心湯主之。

半夏瀉心湯方

半夏半升

黃芩三兩

乾姜二兩

人參三兩

黃連一兩

大棗十二枚

甘草三兩

右七味以水一斗、煮取六升、去滓再煮取三升、溫服

升日三服

乾嘔而利者黃芩加半夏生姜湯主之。

黃芩加半夏生姜湯方

黃芩三兩 甘草二兩

芍藥二兩

半夏半升 生姜三兩

大棗十二枚

右六味以水一斗、煮取三升、去滓、溫服一升、日再服、夜

一服

諸嘔吐穀不得下者。小半夏湯主之。方見痰飲中
嘔吐而病在膈上。後思水者。解急與之。思水者。猪苓散主之。

猪苓散方

猪苓

茯苓

白朮 各等分

右三味。杵為散。飲服。方寸匕。日三服。
嘔而脈弱。小便復利。身有微熱。見厥者。難治。四逆湯主之。
四逆湯方

附子 一枚 生用

乾姜 半兩

甘草 二兩 炙

右三味。以水三升。煮取一升二合。去滓。分溫再服。強人可大附子一枚。乾姜三兩。

嘔而發熱者小柴胡湯主之。

小柴胡湯方

柴胡 半斤

黃芩 三兩

人參 三兩

甘草 三兩

半夏 半斤

生姜 三兩

大棗 十一枚

右七味以水一斗二升煮取六升去滓再煎取三升温

服一升日三服

胃反嘔吐者大半夏湯主之。千金云治胃反不受食食入即吐外臺云治嘔心下痞

者

大半夏湯方

半夏 二升洗

人參 三兩

白蜜 一升

右三味以水一斗二升和蜜揚之二百四十遍煮取一升半温服一升餘分再服

食已即吐者大黃甘草湯主之外臺方又治吐水

大黃甘草湯方

大黃 四兩 甘草 一兩

右二味以水三升煮取一升分温再服

胃反吐而渴欲飲水者茯苓澤瀉湯主之

茯苓澤瀉湯方外臺云治消渴脈絕胃反吐食又有小麥一升

茯苓 半斤 澤瀉 四兩 甘草 一兩

桂枝 三兩 白朮 三兩 生姜 四兩

右六味以水一斗煮取三升內澤瀉再煮取二升半温

服八合日三服

吐後渴欲得水而貪飲者。文蛤湯主之。兼主微風脈緊頭痛。

文蛤湯方

文蛤 五兩

麻黃 三兩

甘草 三兩

生姜 三兩

石膏 五兩

杏仁 五十枚

大棗 十二枚

右七味以水六升，煮取二升，溫服一升，汗出即愈。

乾嘔吐逆吐涎沫。半夏乾姜散主之。

半夏乾姜散方

半夏

乾姜 等分

右二味杵爲散取方寸匕漿水一升半煎取七合頓服之。

病人胸中似喘不喘似嘔不嘔似噦不噦徹心中憤憤然無奈者。生姜半夏湯主之。

生姜半夏湯方

半夏 半斤

生姜汁 一升

右二味以水三升煮半夏取二升內生姜汁煮取一升半小冷分四服日三夜一服止停後服。

乾嘔噦若手足厥者。橘皮湯主之。

橘皮湯方

橘皮 四兩

生姜 半斤

右二味以水七升煮取三升温服一升下咽即愈
噦逆者橘皮竹茹湯主之

橘皮竹茹湯方

橘皮 二升

竹茹 二升

大棗 三升

生姜 半斤

甘草 五兩

人參 一兩

右六味以水一斗煮取三升温服一升日三服

夫六腑氣絕於外者手足寒上氣脚縮五臟氣絕於內者
利不禁下甚者手足不仁○下利脈沉弦者下重脈大者
為未止脈微弱數者為欲自止雖發熱不死○下利手足
厥冷無脈者灸之不温若脈不還反微喘者死少陰負跌
湯者為順也○下利有微熱而渴脈弱者今自愈若下利

脈數有微熱汗出今自愈設脈緊爲未解○下利脈數而渴者今自愈設不差必清膿血以有熱故也○下利脈反弦發熱身汗者自愈○下利氣者當利其小便○下利寸脈反浮數尺中自濇者必清膿血○下利清穀不可攻其表汗出必脹滿○下利脈沉而遲其人面少赤身有微熱下利清穀者必鬱冒汗出而解病人必微熱所以然者其面戴陽下虛故也○下利後脈絕手足厥冷晬時脈還手足溫者生脈不還者死○下利腹脹滿身體疼痛者先溫其裏乃攻其表溫裏宜四逆湯攻表宜桂枝湯

四逆湯方

見上二十九

桂枝湯方

桂枝 三兩 去皮

芍藥 三兩

甘草 二兩 炙

生姜 二兩

大棗 十二枚

右五味、咬咀、以水七升、微火煮取三升、去滓、適寒、溫服一升、服已、須臾、啜稀粥一升、以助藥力、溫覆令一時許、遍身熱熱微似有汗者、蓋佳、不可令如水淋漓、若一服汗出、病差、停後服。

下利三部脈皆平、按之心下堅者、急下之、宜大承氣湯。○下利脈遲而滑者、實也、利未欲止、急下之、宜大承氣湯。○不利脈反滑者、當有所去、下乃愈、宜大承氣湯。○下利已差、至其年月日時復發者、以病不盡故也、當下之、宜大承氣湯。

大承氣湯方

見癰病中

下利譏語者有燥屎也。小承氣湯主之。

小承氣湯方

大黃 四兩

厚朴 三兩

枳實 大者三枚

右三味以水四升煮取一升二合去滓分溫二服。得利則止。

下利便膿血者桃花湯主之。

桃花湯方

赤石脂 一斤 半剉

乾姜 一兩

粳米 一升

右三味以水七升煮米令熟去滓溫七合內赤石脂末方寸匕日三服若一服愈餘勿服。

熱利重下者白頭翁湯主之。

白頭翁湯方

白頭翁 二兩

黃連 三兩

黃栢 三兩

秦皮 三兩

右四味以水七升煮取二升去滓温服一升不愈更服下利後更煩按之心下濡者爲虛煩也。梔子鼓湯主之。

梔子鼓湯方

梔子 十四枚

香鼓 四合 絹裏

右二味以水四升先煮梔子得二升半內鼓煮取一升半去滓分二服温進一服得吐則止。

下利清穀裏寒外熱汗出而厥者通脈四逆湯主之。

通脈四逆湯方

附子 大者一枚生用

乾姜 三兩強人可四兩

甘草 二兩炙

右三味以水三升煮取一升二合去滓分温再服
下利肺痛紫參湯主之

紫參湯方

紫參 半斤

甘草 三兩

右二味以水五升先煮紫參取二升內甘草煮取一升
半分温三服 疑非仲景方

氣利訶梨勒散主之

訶梨勒散方

訶梨勒 十枚煨

右一味爲散粥飲和頓服疑非仲景方

附方

千金翼小承氣湯治大便不通噦數譫語上方見

外臺黃芩湯治乾嘔下利

黃芩 三兩 人參 三兩 乾姜 三兩

桂枝 一兩 大棗 十二枚 半夏 半斤

右六味以水七升煮取三升溫分三服

瘡癰腸癰浸淫病脈證并治第十八

論一首 脈證三首 方五首

諸浮數脈應當發熱而反洒淅惡寒若有痛處當發其癰
○師曰諸癰腫欲知有膿無膿以手掩腫上熱者爲有膿

不熱者為無膿。

腸癰之為病。其身甲錯。腹皮急。按之濡如腫狀。腹無積聚。身無熱。脈數。此為腹內有癰膿。薏苡附子敗醬散主之。

薏苡仁 十分

附子 二分

敗醬 五分

右三味。杵為末。取方寸匕。以水二升。煎減半。頓服。小便當下腸癰者。少腹腫痞。按之即痛如淋。小便自調。時時發熱。自汗出。復惡寒。其脈遲緊者。膿未成。可下之。當有血。脈洪數者。膿已成。不可下也。大黃牡丹湯主之。

大黃牡丹湯方

大黃 四兩

牡丹 一兩

桃仁 五十枚

瓜蒌子 半升 芒消 三合

右五味以水六升、煮取一升、去滓、內芒消、再煎沸、頓服之、有膿當下、如無膿當下血。

問曰、寸口脈浮微而澀、然當亡血、若汗出、設不汗者、云何。答曰、若身有瘡、被刀斧所傷、亡血故也。

病金瘡、亡不畱行散主之。

王不畱行 十分八月入日採 蒴瞿細葉 十分七月七日採

桑東南根 白皮十分三月三日採 甘草 十分

川椒 三分除目及閉口者汗 黃芩 二分

乾姜 二分 芍藥 厚朴 各二分

右丸味、桑根皮、以上三味、燒灰存性、勿令灰過、各別杵。

篩合治之爲散服方寸匕。小瘡卽粉之。大瘡但服之。產後亦可服。如風寒。桑東根勿取之前三物皆陰乾。百白排膿散方。

枳實

十六枚

芍藥

六分

桔梗

二分

右三味杵爲散。取雞子黃一枚。以藥散與雞黃相等。揉和令相得。飲和服之日一服。

排膿湯方

甘草

二兩

桔梗

二兩

生姜

一兩

大棗

十枚

右四味以水三升。煮取一升。溫服五合。日再服。浸淫瘡。從口流向四肢者可治。從四肢流來入口者不可。

治

浸淫瘡黃連粉主之

方未見

跌蹶手指臂腫轉筋陰狐疝虻蟲病脈證治第十九

論一首

脈證一條

方四首

師曰病跌蹶其人但能前不能却刺膻入二寸此太陽經傷也病人常以手指臂腫動此人身體瞶瞶者藜蘆甘草湯主之

藜蘆甘草湯方

未見

轉筋之為病其人臂脚直脈上下行微弦轉筋入腹者雞

屎白散主之

雞屎白散方

雞屎白

右一味為散、取方寸匕、以水六合、和溫服、

陰狐疝氣者、偏有小大、時時上下、蜘蛛散主之、

蜘蛛散方

蜘蛛

十四枚
熬焦

桂枝

半兩

右二味為散、取八分一匕、飲和服、日再服、蜜丸亦可、

問曰、病腹痛有蟲、其脈何以別之、○師曰、腹中痛、其脈當

沉、若弦、反洪大、故有蚘蟲、

蚘蟲之為病、令人吐涎、心痛、發作有時、毒藥不止、甘草粉

蜜湯主之、

甘草粉蜜湯方

甘草 二兩

粉

一兩

蜜

四兩

右三味以水三升先煮甘草取二升去滓內粉蜜攪令
和煎如薄粥溫服一升差即止

虻厥者當吐虻令病者靜而復時煩此為藏寒虻上入膈
故煩須臾復止得食而嘔又煩者虻聞食臭出其人常自
吐虻

虻厥者烏梅丸主之

烏梅丸方

烏梅 三百枝

細辛 六兩

乾姜 十兩

黃連 一斤

當歸 四兩

附子 六兩炮

川椒 四兩去汗

桂枝 六兩

人參 六兩

黃蘗 六兩

右十味異搗篩合治之以苦酒漬烏梅一宿去核蒸之五升米下飯熟搗成泥和藥令相得內臼中與蜜杵二千下丸如梧子大先食飲服十丸三服稍加至二十九禁生冷滑臭等食

音釋

鷺澹 鷺音收卽寬枯官切後鴨澹也骨髀也 眴 胡絹切目搖也 絜 音盾汗出貌 臙 音窆

湯朋

金匱要畧方論卷中終

命判要學六論公中錄



音釋

卷之六

平不或收... 表食... 十... 三... 賦... 主... 下... 正

正... 表... 十... 三... 賦... 主... 下... 正

古... 表... 十... 三... 賦... 主... 下... 正

黃... 表... 十... 三... 賦... 主... 下... 正

金匱要略方論卷下

仲景全書

漢長沙太守張仲景著

晉太醫令王叔和撰次

宋祠部郎中林億校正

明虞山人趙開美校刊

婦人妊娠病脈證并治第二十

證三條

方八首

師曰婦人得平脈。陰脈小弱。其人渴不能食。無寒熱。名妊娠。桂枝湯主之。方見利中於法六十日當有此證。設有醫治逆者。却一月加吐下者。則絕之。

婦人宿有癥病。經斷未及三月。而得漏下不止。胎動在臍上者。為癥痼害。○妊娠六月動者。前三月經水利時。胎下血者。後斷三月不血也。所以血不止者。其癥不去故也。當

下其癥。桂枝茯苓丸主之。

桂枝茯苓丸方

桂枝

茯苓

牡丹

去心

桃仁

去皮尖熟

芍藥

各等分

右五味末之。煉蜜和丸。如兔屎大。每日食前服一丸。不

知加至三丸。

婦人懷娠六七月。脈弦發熱。其胎愈脹。腹痛惡寒者。少腹

如扇。所以然者。子臟開故也。當以附子湯溫其臟。方未見

師曰。婦人有漏下者。有半產後。因續下血。都不絕者。有妊

娠下血者。假令妊娠腹中痛。為胞阻。膠艾湯主之。

芎歸膠艾湯方

又方加乾姜一兩胡氏治婦人胞動無乾姜

芎藭 二兩

阿膠 二兩

甘草 二兩

艾葉 三兩

當歸 三兩

芍藥 四兩

乾地黄 六兩

右七味以水五升、清酒三升、合煮、取三升、去滓、內膠、令消盡、溫服一升、日三服、不差更作。

婦人懷妊、腹中疝痛、當歸芍藥散主之。

當歸芍藥散方

當歸 三兩

芍藥 一斤作六兩

茯苓 四兩

白朮 四兩

澤瀉 半斤

芎藭 半斤作三兩

右六味、杵為散、取方寸匕、酒和、日三服。

妊娠嘔吐不止、乾姜人參半夏丸主之。

乾姜人參半夏丸方

乾姜 一兩
人參 一兩
半夏 二兩

右三味末之、以生姜汁糊為丸、如梧子大、飲服十九、日三服、

妊娠小便難、飲食如故、歸母苦參丸主之。

當歸貝母苦參丸方 男子加滑石半兩

當歸 四兩
貝母 四兩
苦參 四兩

右三味末之、煉蜜丸、如小豆大、飲服三丸、加至十九、

妊娠有水氣、身重、小便不利、洒淅惡寒、起即頭眩、葵子茯苓散主之。

葵子茯苓散方

葵子 茯苓 散方

葵子 一斤

茯苓 三兩

右二味、杵為散、飲服方寸匕、日三服、小便利則愈、

婦人妊娠、宜常服當歸散主之、

當歸散方

當歸 一斤

黃芩 一斤

芍藥 一斤

芎藭 一斤

白朮 半斤

右五味、杵為散、酒飲服方寸匕、日再服、妊娠常服、即易

產胎無苦疾、產後百病悉主之、

妊娠養胎白朮散主之、

白朮散方

見外臺

白朮

芎藭

蜀椒

三分去汗

牡蠣

右四味杵爲散酒服一錢七日三服夜一服但若痛加
芍藥心下毒痛倍加芎藭心煩吐痛不能食飲加細辛
一兩半夏大者二十枚服之後更以醋醬水服之若嘔
以醋醬水服之復不解者小麥汁服之已後渴者大麥
粥服之病雖愈服之勿置

婦人傷胎懷身腹滿不得小便從腰以下重如有水氣狀
懷身七月太陰當養不養此心氣實當刺瀉勞官及關元
小便微利則愈見玉函

婦人產後病脈證治第二十一

論一首

證六條

方七首

問曰新產婦人有三病一者病瘧二者病鬱冒三者大便

難何謂也。○師曰。新產血虛。多汗出。喜中風。故令病瘥。亡血復汗。寒多。故令鬱冒。亡津液。胃燥。故大便難。產後鬱冒。其脈微弱。不能食。大便反堅。但頭汗出。所以然者。血虛而厥。厥而必冒。冒家欲解。必大汗出。以血虛下厥。孤陽上出。故頭汗出。所以產婦喜汗出者。亡陰血虛。陽氣獨盛。故當汗出。陰陽乃復。大便堅。嘔不能食。小柴胡湯主之。方見嘔吐中病解能食。七八日更發熱者。此為胃實。大承氣湯主之。方見瘥中產後腹中疝痛。當歸生姜羊肉湯主之。并治腹中寒疝。虛勞不足。

當歸生姜羊肉湯方

見寒病中

產後腹痛煩滿不得卧。枳實芍藥散主之。

枳實芍藥散方

枳實燒令黑勿太過

芍藥等分

右二味杵為散服。方寸匕。日三服。并主癰膿。以麥粥下之。

師曰。產婦腹痛。法當以枳實芍藥散。假令不愈者。此為腹中有乾血着臍下。宜下瘀血湯主之。亦主經水不利。下瘀血湯方

大黃二兩

桃仁二十枚

蟅蟲二十枚熬去足

右三味末之。煉蜜和為四丸。以酒一升煎一丸。取八合。頓服之。新血下如豚肝。

產後七八日無太陽證少腹堅痛此惡露不盡不大便煩躁發熱切脈微實再倍發熱日晡時煩躁者不食食則讖語至夜即愈宜大承氣湯主之熱在裏結在膀胱方見瘕病中產後風續之數十日不解頭微痛惡寒時時有熱心下悶乾嘔汗出雖久陽旦證續在耳可與陽旦湯即桂枝湯方見下利中產後中風發熱面赤喘而頭痛竹葉湯主之

竹葉湯方

竹葉 一分

葛根 三兩

防風 一兩

桔梗 一兩

桂枝 一兩

人參 一兩

甘草 一兩

附子 一枚

大棗 十三枚

生姜 五兩

右十味以水一升煮取二升半分温三服温覆使汗出若頸項強用大附子一枚破之如豆大煎藥湯去沫嘔者加半夏半升洗

婦人乳中虛煩亂嘔逆安中益氣竹皮大丸主之

竹皮大丸方

生竹茹 二分

石膏 二分

桂枝 一分

甘草 七分

白薇

右五味末之棗肉和丸彈子大以飲服一丸日三夜二服有熱者倍白薇煩喘者加枳實一分

產後下利虛極白頭翁加甘草阿膠湯主之

白頭翁加甘草阿膠湯方

白頭翁 二兩

甘草 二兩

阿膠 二兩

秦皮 三兩

黃連 三兩

藥皮 三兩

右六味以水七升煮取二升半內膠令消盡分溫三服

附方

千金三物黃芩湯治婦人在草蓐自發露得風四肢苦煩熱頭痛者與小柴胡湯頭不痛但煩者此湯主之

黃芩 一兩

苦參 二兩

乾地黃 四兩

右三味以水八升煮取二升溫服一升多吐下蟲

千金內補當歸建中湯治婦人產後虛羸不足腹中刺痛不止吸吸少氣或苦少腹中急摩痛引腰背不能食飲產後一月日得服四五劑為善令人強壯宜

當歸 四兩

桂枝 三兩

芍藥 六兩

生姜 三兩

甘草 一兩

大棗 十二枚

右六味以水一斗、煮去三升、分溫三服、一日令盡、若大
虛加飴糖六兩、湯成內之於火上、煖令飴消、若去血過
多、崩傷內衄不止、加地黃六兩、阿膠二兩、合八味湯成
內阿膠、若無當歸、以芎藭代之、若無生姜、以乾姜代之、
婦人雜病脈證并治第二十二

論一首

脈證合十四條

方十六首

婦人中風、七八日續來寒熱、發作有時、經水適斷、此為熱
入血室、其血必結、故使如瘧狀、發作有時、小柴胡湯主之、

方見喘

婦人傷寒發熱。經水適來。晝日明了。暮則讖語。如見鬼狀者。此爲熱入血室。治之無犯胃氣。及上二焦。必自愈。婦人中風發熱惡寒。經水適來。得七八日。熱除脈遲。身涼和胸脇滿。如結胸狀。讖語者。此爲熱入血室也。當刺期門。隨其實而取之。

陽明病下血。讖語者。此爲熱入血室。但頭汗出。當刺期門。隨其實而瀉之。漑然汗出者愈。

婦人咽中如有炙臠。半夏厚朴湯主之。

半夏厚朴湯方 千金作胃滿。心下堅。咽中怗怗。如有炙肉。吐之不出。吞之不下。

半夏 一升
厚朴 三兩
茯苓 二兩

生姜 五兩
乾蘇葉 二兩

右五味以水七升。煮取四升。分溫四服。日三夜一服。
婦人臟燥。喜悲傷欲哭。象如神靈所作。數欠伸。甘麥大棗
湯主之。

甘草小麥大棗湯方

甘草

三兩

小麥 一升

大棗

十枚

右三味以水六升。煮取三升。溫分三服。亦補脾氣。
婦人吐涎沫。醫反下之。心下即痞。當先治其吐涎沫。小青
龍湯主之。涎沫止。乃治痞。瀉心湯主之。

小青龍湯方

見驚悸中

瀉心湯方

見驚悸中

婦人之病。因虛積冷。結氣。爲諸經水斷絕。至有歷年血寒。

積結胞門。寒傷經絡。凝堅在上。嘔吐涎唾。久成肺癰。形體
損分。在中盤結。繞臍寒疝。或兩脇疼痛。與臟相連。或結熱
中痛在關元。脈數無瘡。肌若魚鱗。時着男子。非止女身在
下未多。經候不勻。冷陰掣痛。少腹惡寒。或引腰脊。下根氣
衝。氣衝急痛。膝脛疼煩。奄忽眩冒。狀如厥癲。或有憂慘悲
傷多嗔。此皆帶下。非有鬼神。久則羸瘦。脈虛多寒。三十六
病。千變萬端。審脈陰陽。虛實緊弦。行其針藥。治危得安。其
雖同病。脈各異源。子當辨記。勿謂不然。

問曰。婦人年五十。所病下利。數十日不止。暮卽發熱。少腹
裏急腹滿。手掌煩熱。唇口乾燥。何也。

曰。此病屬帶下。何以故。曾經半產。瘀血在少腹不去。何以

知之其證唇口乾燥故知之當以溫經湯主之。

溫經湯方

吳茱萸 二兩

當歸 二兩

芍藥 二兩

芍藥 二兩

人參 二兩

桂枝 二兩

阿膠 二兩

生姜 二兩

牡丹皮 二兩
去心

甘草 二兩

半夏 半升

麥門冬 一升
去心

右十二味以水一斗煮取三升分溫三服○亦主婦人

少腹寒久不受胎兼取崩中去血或月水來過多及至

期不來

帶下經水不利少腹滿痛經一月再見者土瓜根散主之

土瓜根散方

陰廡種亦主之

土瓜根 三兩

芍藥 三兩

桂枝 三兩

麤蟲 三兩

右四味、杵為散、酒服、方寸匕、日三服、

寸口脈弦而大。弦則為減。大則為乳。減則為寒。乳則為虛。寒虛相搏。此名曰革。婦人則半產漏下。旋覆花湯主之。

旋覆花湯方

旋覆花 三兩

蔥 十四莖

新絳 少許

右三味、以水三升、煮取一升、頓服之、

婦人陷經漏下、黑不解、膠姜湯主之、

臣億等按諸本無膠姜湯方、想是前妊娠

中膠艾湯

婦人少腹滿、如敦狀、小便微難而不渴、生後者、此為水、與

血俱結在血室也、大黃甘遂湯主之、

大黃甘遂湯方

大黃 四兩

甘遂 二兩

阿膠 二兩

右三味以水三升煮取一升頓服之其血當下

婦人經水不利下抵當湯主之 亦治男子膀胱滿急有瘀血者

抵當湯方

水蛭 二十箇熬

蟲蟲 三十枚熬去翅足

桃仁 二十箇去皮尖

大黃 三兩酒浸

右四味為末以水五升煮取三升去滓溫服一升

婦人經水閉不利臟堅癖不止中有乾血下白物礬石丸

主之

礬石丸方

礬石

三分 燒

杏仁

一分

右二味末之煉蜜和丸棗核大內臟中劇者再內之

婦人六十二種風及腹中血氣刺痛紅藍花酒主之

紅藍花酒方

疑非仲景方

紅藍花

右一味以水一大升煎減半頓服一半未止再服

婦人腹中諸疾痛當歸芍藥散主之

當歸芍藥散方

見前妊娠中

婦人腹中痛小建中湯主之

小建中湯方

見前虛勞中

問曰。婦人病。飲食如故。煩熱不得卧。而反倚息者。何也。○
師曰。此名轉胞。不得溺也。以胞系下疾。故致此病。但利小
便則愈。宜腎氣丸主之。

腎氣丸方

乾地黄 八兩

薯蕷 四兩

山茱萸 四兩

澤瀉 三兩

茯苓 三兩

牡丹皮 三兩

桂枝 一兩

附子 一兩

右八味末之。煉蜜和丸。梧子大。酒下十五丸。加至二十
五丸。日再服。

蛇床子散方。温陰中坐藥。

蛇床子仁

右一味末之。以白粉少許。和合相得。如棗大。綿裏內之。自然溫。

少陰脈滑而數者。陰中卽生瘡。陰中蝕瘡爛者。狼牙湯洗之。

狼牙湯方

狼牙 三兩

右一味。以水四升。煮取半升。以綿纏筋如繭。浸湯。漚陰

中日四遍。

胃氣下泄。陰吹而正喧。此穀氣之實也。膏髮煎導之。

膏髮煎方

見黃疽已

小兒疳蟲蝕齒方

疑非仲見方

雄黃 葶藶

右二味末之、取臘日猪脂鎔、以槐枝綿裏頭、四五枚、點藥烙之、

雜療方第二十三

論一首 證一條 方二十三首

退五臟虛熱四時加減柴胡飲子方

冬三月加柴胡 八分

白朮 八分

陳皮 五分

大腹穰郎 四枚并皮子用

生姜 五分

桔梗 七分

春三月加枳實

減白朮 共六味

夏三月加生姜 七分

枳實 五分

甘草 三分共八味

秋三月加陳皮 三分共六味

右各咬咀、分爲三貼、一貼以水三升、煮取二升、分溫三服、如人行四五里、進一服、如四體壅、添甘草少許、每貼分作三小貼、每小貼以水一升、煮取七合、溫服、再合滓爲一服、重煮都成四服、疑非仲景方

長服訶梨勒丸方疑非仲景方

訶梨勒煨

陳皮

厚朴各三兩

右三味末之、煉蜜丸、如梧子大、酒飲服、二十九、加至三十丸

三物備急丸方

見千金司空裴秀爲散用亦可先和成汁乃傾口中令從齒間得入全良驗

大黃一兩

乾姜一兩

巴豆一兩去皮心熬外研如脂

右藥各須精新、先搗大黃乾姜爲末、研巴豆肉中、合治

一千杵用為散蜜和丸亦佳蜜器中貯之莫令歇○主
心腹諸卒暴百病若中惡客杵心腹脹滿卒痛如錐刺
氣急口禁停尸卒死者以煖水若酒服大豆許三四丸
或不下捧頭起灌令下咽須臾當差如末差更與三丸
當腹中鳴即吐下便差若口噤亦須折齒灌之
治傷寒令愈不復紫石寒食散方

見千金翼

紫石英

白石英

赤石脂

鍾乳 確鍊

括蕞根

防風

桔梗

文蛤

鬼臼

各十分

太一餘糧 十分燒

乾姜

附子

炮去皮

桂枝 去皮答四分

右十三味杵爲散酒服方寸匕

救卒死方

薤搗汁灌鼻中

又方

雄雞冠割取血管吹內鼻中

豬脂如雞子大苦酒一升煮沸灌喉中

雞肝及血塗面上以灰圍四旁立起

大豆子七粒以雞子白并酒和盡以吞之

救卒死而狀熱者方

礬石半斤以水一斗半煮消以漬脚令沒踝

救卒死而目閉者方

騎牛臨面搗薤汁灌耳中吹皂夾末鼻中立效

救卒死而張口反折者方

灸手足兩爪後十四壯一飲以五毒諸膏散有巴豆者

救卒死而四肢不收失便者方

馬屎一升水三斗煮取二斗以洗之又取牛洞稀糞也

一升溫酒灌口中灸心下一寸臍上三寸臍下四寸

各一百壯差

救小兒卒死而吐利不知是何病方

狗屎一丸絞取汁以灌之無濕者水煮乾者取汁

尸蹙脈動而無氣氣閉不通故靜而死也治方脈證見上卷

葛蒲屑內鼻兩孔中吹之今人以桂屑着舌下

又方

剔取左角髮方寸燒末酒和灌令如喉立起

救卒死客忤死還魂湯主之方

千金方云主卒忤鬼擊飛尸諸奄忽氣絕無復覺或

已無脈口噤胸不開去齒下湯湯下口不下者分病人髮左右捉搦眉引之藥下復增取三升須臾立甦

麻黃

三兩去節一方四兩

杏仁

七十箇去皮尖

甘草

一兩炙

千金用桂心二兩

右三味以水八升煮取三升去滓分令咽之通治諸感

忤

又方

葑根 一把

烏梅 二十枚

吳茱萸

半升炒

右三味以水一斗煮之以病人櫛內中三沸櫛浮者生

何景全書卷下
沉者死煮取三升去滓分飲之

救自縊死旦至暮雖已冷必可治暮至且小難也恐此當言陰氣盛故也然夏時夜短於晝又熱猶應可治又云心下若微溫者一日以上猶可治之方

徐徐抱解不得截繩上下安被卧之一人以脚踏其兩肩手少挽其髮常弦弦勿縱之一人以手按據胸上數動之一人摩捋臂脛屈伸之若已殭但漸漸強之屈并按其復如此一炊頃氣從口出呼吸眼開而猶引按莫置亦勿苦勞之須臾可少桂湯及粥清合與之令濡喉漸漸能燕及稍止若向令兩人以管吹其兩耳深好此法最善無不活也

凡中暈死不可使得冷得冷便死療之方

屈草帶繞暈人臍使三兩人溺其中令溫亦可用熱泥和屈草亦可扣瓦碗底按及車缸以着暈人取令溺須得流去此謂道路窮卒無湯當令溺其中欲使多人溺取令溫若湯便可與之不可泥及車缸恐此物冷暈既在夏月得熟泥土煖草缸亦可用也

救溺死方

取竈中灰兩石餘以埋人從頭至足水出七孔即活右療自縊溺暈之法並出自張仲景爲之其意殊絕殆非常情所及本草所能關實救人之大術矣傷寒家數有暈病非此遇熱之暈

見外臺肘後目

治馬墜及一切筋骨損方

見肘後方

大黃

一兩切浸成下

緋帛

如手大燒灰

亂髮

如雞子大燒灰用

久用炊單布

一尺燒灰

敗蒲

一握三寸

桃仁

四十九枚去皮尖喫

甘草

如中脂即炙銅

右七味以童子小便量多少煎湯成內酒一大盞次下大黃去滓分溫三服先剉敗蒲席半領煎湯浴衣被蓋覆斯須通利數行痛楚立差利及浴水赤勿恠即瘀血也

禽獸魚蟲禁忌并治第二十四

論辯二首

合九十法

方二十二首

凡飲食滋味以養於生食之有妨反能為害自非服藥煉

液焉能不飲食乎。切見時人不閑調攝。疾疢競起。若不因食而生。苟全其生。須知切忌者矣。所食之味。有與病相宜。有與身爲害。若得宜。則益體。害則成疾。以此致危。例皆難療。凡煮藥飲汁以解毒者。雖云救急。不可熱飲。諸毒病得熱更甚。宜冷飲之。○肝病禁辛。心病禁鹹。脾病禁酸。肺病禁苦。腎病禁甘。春不食肝。夏不食心。秋不食肺。冬不食腎。四季不食脾。辯曰。春不食肝者。爲肝氣旺。脾氣敗。若食肝。則又補肝。脾氣敗尤甚。不可救。又肝旺之時。不可以死氣入肝。恐傷魂也。若非王時。卽虛。以甘補之佳。餘藏準此。凡肝臟自不可輕噉。自死者。彌甚。○凡心皆爲神識所舍。勿食之。使人來生復其報對矣。○凡肉及肝。落地不着塵。

土者不可食之。○猪肉落水浮者不可食。○猪肉及魚若
狗不食。鳥不啄者不可食。○諸肉不乾。火炙不動。見水自
動者不可食之。○肉中如有朱點者不可食之。○六畜肉
熱血不斷者不可食之。○父母及身本命肉食之令人神
魂不安。○食肥肉及熱羹不得飲冷水。○諸五臟及魚投
地塵土不污者不可食之。○穢飯。餒肉。臭魚食之皆傷人。
○自死肉。口閉者不可食之。○六畜自死皆疫死。則有毒。
不可食之。○獸自死。北首及伏地者食之殺人。○食生肉。
飽飲乳。變成白蟲。一作血蠱○疫死牛肉食之令病洞下。亦致
病。堅積宜利藥下之。○脯藏米甕中有毒及經夏食之發腎

治自死六畜肉中毒方

黃蘗屑搗服方寸匕

治食鬱肉漏脯中毒方

鬱肉密器蓋之隔宿者是也漏脯茅屋漏下沾着者是也

燒犬屎酒服方寸匕每服人乳汁亦良○飲生韭汁三升亦得

治黍米中藏乾脯食之中毒方

大豆濃煮汁飲數升即解亦治狸肉漏脯等毒

治食生肉中毒方

掘地深三尺取其下土三升以水五升煮數沸澄清汁飲一升即愈

治六畜鳥獸肝中毒方

水浸豆豉絞取汁服數升愈

馬脚無夜眼者不可食之○食酸馬肉不飲酒則殺人○馬肉不可熟食傷人心○馬鞍下肉食之殺人○白馬黑頭者不可食之○白馬青蹄者不可食之○馬肉猪肉共食飽醉臥大忌○驢馬肉合猪肉食之成霍亂○馬肝及毛不可妄食中毒害人

治馬肝毒中人未死方

雄鼠屎二七粒末之水和服日再服

屎尖者是

又方

人垢取方寸匕服之佳

治食馬肉中毒欲死方

香鼓二兩

杏仁 三兩

右二味蒸一食頃熟杵之服日再服

又方

煮蘆根汁飲之良

疫死牛或目赤或黃食之大忌○牛肉共猪肉食之必作寸白蟲○青牛腸不可合犬肉食之○牛肺從三月至五月其中有蟲如馬尾割去勿食食則損人○牛羊猪肉皆不得以楮木桑木蒸炙食之令人腹內生蟲○噉蛇牛肉殺人何以知之噉蛇者毛髮向後順者是也

治噉蛇牛肉食之欲死方

飲人乳汁一升立愈

又方

以泔洗頭飲一升愈

牛肚細切以水一斗煮取一升煖飲之大汗出者愈

治食牛肉中毒方

甘草煮汁飲之即解

羊肉其有宿熱者不可食之○羊肉不可共生魚酪食之害人○羊蹄甲中有珠子白者名羊懸筋食之令人癩○白羊黑頭食其腦作腸癰○羊肝共生椒食之破人五臟○猪肉共羊肝和食之令人心悶○猪肉以生葫荑同食爛人臍○猪脂不可合梅子食之○猪肉和葵食之少氣○鹿肉不可和蒲白作羹食之發惡瘡○麋脂及梅李子

若妊婦食之。令子青盲。男子傷精。○麋肉不可合蝦。及生
菜。梅李果食之。皆病人。○痼疾人不可食熊肉。令終身不
愈。○白犬自死。不出舌者。食之害人。○食狗鼠餘。令人發
瘦瘡。

治食犬肉不消。心下堅。或腹脹。口乾。大渴。心急。發熱。妄語
如狂。或洞下方。

杏仁

一升合皮
熟研用

右一味。以沸湯二升。和取汁。分三服。利下肉片大驗。

婦人妊娠。不可食兔肉。山羊肉。及鶩雞鴨。令子無聲音。○
兔肉不可合白雞肉食之。令人面發黃。○兔肉着乾姜食
之。成霍亂。○凡鳥自死。口不閉。翅不合者。不可食之。○諸

禽肉肝青者食之殺人。○雞有六翮四距者不可食之。○
烏雞白首者不可食之。○雞不可共葫蒜食之。滯氣。一云雞子
○山雞不可合鳥獸肉食之。○雉肉久食之令人瘦。○鴨
卵不可合鱉肉食之。○婦人妊娠食雀肉令子淫亂無恥。
○雀肉不可合李子食之。○燕肉勿食入水爲蛟龍所噉。
鳥獸有毒箭死者其肉有毒解之方

大豆煮汁及鹽汁服之解

魚頭正白如連珠至脊上食之殺人。○魚頭中無腮者不可
食之。殺人。○魚無腸膽者不可食之。三年陰不起。女子
絕生。○魚頭似有肉者不可食之。○魚目合者不可食之。
○六甲日勿食鱗甲之物。○魚不可合雞肉食之。○魚不

得合鷓鴣肉。食之。○鯉魚鮮不可合小豆。藿食之。其子不可合豬肝。食之害人。○鯉魚不可合犬肉食之。○鯽魚不可合猴雉肉食之一云。不可合豬肝食。○鯢魚合鹿肉生食。令人筋甲縮。○青魚鮮不可合生胡荽及生葵并麥中食之。○鱸鱓不可合白犬血食之。○龜肉不可合酒果子食之。○鰲目回陷者及壓下有王字形者不可食之。又其肉不得合雞鴨子食之。○龜髓肉不可合莧菜食之。○鰕無鬚及腹下通黑煮之反白者不可食之。○食膾飲乳酪令人腹中生蟲爲瘕。鱸食之在心胸間不化吐復不出速下除之。久成癥病治之方。

橘皮 一兩
大黃 二兩
朴硝 二兩

右三味以水一大升煮至小升頓服即消

食鱸多不消結為癥病治之方

馬鞭草

右一味搗汁飲之○或以姜葉汁飲之一升亦消○又

可服吐藥吐之

食魚後食毒兩種煩亂治之方

橘皮濃煎汁服之即解

食鱸魚中毒方

蘆根煮汁服之即解

蟬目相向足斑目赤者不可食之

食蠟中毒治之方

紫蘇煮汁飲之。三升。○紫蘇子搗汁飲之亦良。

又方

冬瓜汁飲二升。食冬瓜亦可。

凡蠟未遇霜多毒。其熟者乃可食之。○蜘蛛落食中有毒。勿食之。○凡蜂蠅蟲蟻等多集食上。食之致瘦。

果實菜穀禁忌并治第二十五

果子生食生瘡。○果子落地經宿。蟲蟻食之者。人大忌食之。○生米停畱多日。有損處。食之傷人。○桃子多食。令人熱。仍不得入水浴。令人病淋瀝。寒熱病。○杏酪不熱傷人。○梅多食。壞人齒。○李不可多食。令人臃脹。○林檎不可

何景全土書 卷下
多食令人百脈弱。○橘柚多食令人口爽。不知五味。○梨不可多食。令人寒中。金瘡產婦亦不宜食。○櫻桃杏多食傷筋骨。○安石榴不可多食。損人肺。○胡桃不可多食。令人動痰飲。○生棗多食令人熱渴氣脹。寒熱羸瘦者。彌不可食。傷人。

食諸果中毒治之方

猪骨 燒灰

右一味末之。水服方寸匕。○亦治馬肝漏脯等毒。

木耳赤色及仰生者勿食。○菌仰卷及赤色者不可食。食諸菌中毒悶亂欲死治之方

人糞汁飲一升

土漿飲一二升

大豆濃煮汁飲之。○服諸吐利藥並解。

食楓柱菌而哭不止治之以前方。

誤食野芋煩毒欲死治之以前方。

其野芋根山東人名魁芋人種芋三年不收亦

成野芋並殺人

蜀椒閉口者有毒誤食之戟人咽喉氣病欲絕或吐下白沫身體痺冷急治之方

肉桂煎汁飲之

飲冷水一二升

或食蒜

或飲地漿

或濃煮豉汁飲之並解

正月勿食生葱令人面生游風。○二月勿食蓼傷人腎。○三月勿食小蒜傷人志性。○四月八月勿食葫荽傷人神。

○五月勿食韭令人乏氣力○五月五日勿食一切生菜
發白病○六月十月勿食茱萸傷神氣○八月九月勿食
姜傷人神○十月勿食椒損人心傷心脈○十一月十二
月勿食薤令人多涕唾○四季勿食生葵令人飲食不化
發百病非但食中藥中皆不可用深宜慎之○時病差未
健食生菜手足必腫○夜食生菜不利人○十月勿食被
霜生菜令人面無光目澀心痛腰疼或發心瘡瘡發時手
足十指爪皆青困委○葱菲初生芽者食之傷人心氣○
飲白酒食生韭令人病增○生葱不可共蜜食之殺人獨
顆蒜彌忌○棗合生葱食之令人病○生葱和雄鷄雉白
犬肉食之令人七竅經年流血○食糖蜜後四日內食生

葱蒜令人心痛。○夜食諸姜、蒜、葱等傷人心。○蕪菁根多食，令人氣脹。○薤不可共牛肉作羹食之，成瘕病。葑亦然。○蓴多食，動痔疾。○野苣不可同蜜食之，作內痔。○白苣不可共酪同食，作蠱蟲。○黃瓜食之發熱病。○葵心不可食，傷人。葉尤冷。黃背赤莖者，勿食之。○葫荽久食之，令人多忘。○病人不可食葫荽及黃花菜。○芋不可多食，動病。○妊婦食姜，令子餘指。○蓼多食，發心痛。○蓼和生魚食之，令人棄氣，陰欬疼痛。○芥菜不可共兔肉食之，成惡邪病。○小蒜多食，傷人心力。

食躁式躁方

豉濃煮汁飲之

鈎吻與芹菜相似誤食之殺人解之方 肘後云與菜萹食芥相似

薺萹 八兩

右一味水六升煮取二升分温二服 鈎吻生地傍無他草莖有毛者以此

別之

菜中有水萹蓉葉圓而光有毒誤食之令人狂亂狀如中風或吐血治之方

甘草煮汁服之即解

春秋二時龍帶精入芹菜中人偶食之為病發時手青腹滿痛不可忍名蚊龍病治之方

硬糖 二三升

石一味日兩度服之吐出如蜥蜴三五枚差

食苦瓠中毒治之方

黎穰煮汁數服之解

扁豆寒熱者不可食之○久食小豆令人枯燥○食大豆等忌噉猪肉○大麥久食令人作癩○白黍米不可同飴蜜食亦不可合葵食之○菽麥麵多食令人髮落○鹽多食傷人肺○食冷物冰人齒○食熱物勿飲冷水○飲酒食生蒼耳令人心痛○夏月大醉汗流不得冷水洗着身及使扇卽成病○飲酒大忌炙腹背令人腸結○醉後勿飽食發寒熱○飲酒食猪肉卧秣稻穰虫則發黃○食飴多飲酒大忌○凡水及酒照見人影動者不可飲之○醋合酪食之令人血瘕○食白米粥勿食生蒼耳成走痔○

食甜粥已食鹽即吐○犀角筋攪飲食沫出及澆地墳起者食之殺人
飲食中毒煩滿治之方

苦參 三兩

苦酒 一升

右二味煮三沸三上三下服之吐食出即差或以水煮亦得

又方

犀角湯亦佳

貪食食多不消心腹堅滿痛治之方

鹽 一升

水 三升

右二味煮令鹽消分三服當吐出食便差

礬石生入腹破人心肝亦禁水。○商陸以水服殺人。○葶
蘇子傳頭瘡藥成入腦殺人。○水銀入人耳及六畜等皆
死。以金銀着耳邊水銀則吐。苦練無子者殺人。
凡諸毒多是假毒。以投元知時宜煮甘草薺苳汁飲之。
通除諸毒藥。

音釋

疒古巧切

窠莫兮切
深入也

金匱要略方論卷下終